

Dasinh: Haiguh Lai Cungj Hingz-sik Hozdung Angqhoh Gozging

大新：开展多种形式的活动庆祝国庆

10 nyied 1 hauh, youq Dasinh Yen Lungzgungh Senhging Gingjih Hek-youz Cungsim, dahsau Bouxcuengh ndang daenj buhvaq minzcuz yiengq hekyouz langhyienj haeuxnaengj haj saek miz yiengh ciu saw "gozging" "69" haenx. Gozging geizgan, Dasinh Yen gak aen gingjih haiguh cimz haeuxnaengj haj saek mbouj aeu cienz, langhyienj veh doz yaenq gyaezguk daengj lai cungj lai yiengh hozdung, caeuq hekyouz daj daengx guk gak dieg daeuj haenx itheij angqhoh Cunghvaz Yinzminz Gunghozgoz laeb-baenz 69 hopbi.

(Cinz Civanj/覃志婉)



▲ Dahsau Bouxcuengh fat haeux-naengj haj saek hawj vunz cimz.



▲ Lai cungj lai yiengh hozdung angqhoh gozging.



▲ Cien aen daeng'youz coux hek daeuj.

Sanhgyangh:

Cien Aen Daeng'youz Coux Hek

三江：千盏油灯迎客来

10 nyied 6 hauh, Sanhgyangh Duncuz Swciyen Linzhil Cin Bingzyenz Cunh Mbanjmajanh gawjbanh hoihvenz cien aen daeng'youz, daengx mbanj mehmbwk ndang daenj buhvaq ngoenzciet, fwngz riu daeng'youz gvaengx baenz sam aen gvaengxluenz, hawj gyoengq daegmbauq daj gij mbanj seiqhenz daeuj haenx ciuq rongh dwk boqvenz, diuq foux caijdangz, yinx ndaej haujlai hekyouz daeuj ngonzyawj daejniemh gij fungcingz minzsuz Duncuz cien bi daeuj gagdog de.

(Vuz Lenyinh/吴练勋)

Hocouh: Cien Aen Gyaepbangx Yinx Hek Daeuj

贺州：千顶斗笠引客来

Ciet gozging geizgan, Hocouh Si Yisizlinz Gingjih daj daengx guk gak dieg soucomz ndaej 300 lai cungj 1000 lai aen gyaepbangx gak cungj gak yiengh haenx dawz aen gingjih neix cang ndaej moqsang-sang, hawj gyoengq hekyouz daiq daeuj ciengz heiq vwnzva ndaemganq aeu gyaepbangx ma guh cawjdaez he.

(Vangz Sihuz/黄旭胡)



▲ Cien aen gyaepbangx yinx hekyouz.

Luzcai: Ndaem Maksanhcah Saedyienh Vutgungz Baenzfouq

鹿寨：种山楂实现脱贫致富



▲ Vunzlai angq sou mak.

Luzcai Yen Daujgyangh Yangh Cangzdung Cunh Mbanj-lungmuz vunzlai geij bi neix daeuj, youq henz suiigu ndaem maksanhcah 500 lai moux, daengx mbanj 34 hoh 130 vunz moix vunz miz maksanhcah menciz bingzyaenz dabdaengz 38 moux lai. Dangqnaj, maksanhcah gaenq haeuj geiz dawzmak, moix moux canjciz dabdaengz 7000 maenz doxhwnj, vunzlai ndaem maksanhcah saedyienh le vutgungz baenzfouq.

(Lai Genveih/赖建辉)